

ACTE DE CONCESSION DEL II CONCORS DE RACONTES BRÈUS ENRIC GARRIGA TRULLOLS

Los membres de la Jurada del 2d Concors de racontes brèus Enric Garriga Trullols, convocat pel CAÒC, an lo plaser de vos notificar que, après los tres torns de deliberacions seguits, son arribats a la decision de concedir:

— lo 1r prèmi als racontes titolats *Lo león e l'aucèl*, signat jos l'escaisnom de **Brigon : Brigida Viginièr**; e *Un diluns a la montanha*, signat jos l'escaisnom de **Vidalon : Alan Vidal**.

+ aqueste primièr prèmi es decernit ex aequo als dos racontes citats pr'amor que la Jurada estima lor qualitat e lors meritis parièrs.

— lo 2d prèmi, al racontre titolat *Lo ponch roge de la lenga*, signat jos l'escaisnom de **Musalina : Paulina Louis**.

— lo 3n prèmi, al racontre titolat *Raconte d'un brave cap d'an*, signat jos l'escaisnom de **Joan de Pinet : Jean-Marc Rabier**.

Per aquesta segonda edicion del Concors, son estats vint e quatre los racontes mandats – dins totes los parlars. Donc, lo nombre de participants s'es doblat, alara que la qualitat d'un bon pro d'aqueles tèxtes –per çò qu'es la lenga, lo canebàs e l'art de contar– es una evidéncia de las bèlas.


E constatam cossí, per un temps de pandémia que nos ten embarrats a l'ostal, los autors an aimat, risolièrs, de jogar sus l'umor. E capitan de nos far esprovar lo fons plaser qu'es estat lo sieu a manejar una lenga d'una granda naturalitat, mirgalhada e petejanta, que paga larg sos fisèls, e a debanar d'istòrias qu'es un chale pel legeire de s'i daissar enrebalar. E que se passan al país o endacòm mai

– en Africa o al pè de l’ostal, del temps de Noè o dins un avenir qu’es a mand d’arribar, per una nuèit de Cap d’An o a la raja d’un solelhàs d’estiu... D’istòrias que ne dison pro sus aquesta societat qu’es la nòstra, espantada de tant d’auvaris, e sul besonh qu’avèm de nos tornar trapar. E que, ne sèm segurs, mancaràn pas de pertocar lo legeire. Puèi que, enlà de la faula e la galejada, òm i abòrda de subjèctes pas brica ninòis...

Los membres de la Jurada:

- Jaume Figueras i Trull, secretari. Professor e traductor.
- Manel Zabala Sánchez. Professor e escrivan.
- Meritxell Pueyo Sotos. Vice-presidenta del CAOC.
- Ferriol Macip Bonet. Director del Jornalet.

Es al nom dels membres de la Jurada, donc, que coma Secretari signi aqueste acte al jorn de uèi, lo 22 d’abril de 2021.



Jaume Figueras i Trull,
secretari